
ՀՈՎՀԱՆՆԵՍ ՍԱՐԿԱՎԱԳԸ
ՊԱՏՄԱԳԻՐ ԵՎ ԴԱՎԱՆԱԲԱՆ

ՎՐԵԺ ՎԱՐԴԱՆՅԱՆ

Հովհաննես Սարկավազը (Բմաստասերը) (մոտ 1045–1129) ապրել և ստեղծագործել է Ջաքարյանների Հայոց պետության մեջ: Բախտորոշ այդ ժամանակաշրջանում Հայոց աշխարհը համեմատաբար խաղաղ ժամանակաշրջան էր ապրում, բարենպաստ պայմաններ էին ստեղծված գիտության, մշակույթի տարրեր ճյուղերի զարգացման համար: Վանական հաստատությունները վերածվել էին ուսումնագիտական բարախուն կենտրոնների: Սարկավազի աշխարհայացքը, պատմահայեցողությունը ձևավորվեցին «մենաստանների մայրաքաղաք» հռչակված Հաղբատավանքում: Նրա հասարակական-քաղաքական և գիտական հավատամքի վրա զգացվում է իր դարի դրոշմը:

Մանուկ Արեղյանը Հովհաննես Սարկավազին դիտում է որպես «մեր վերածնության նոր մտավոր հոսանքի առաջին արտահայտիչներից մեկը»¹, որը պահանջում էր բանականությամբ թափանցել բնության գաղտնիքների մեջ, ճանաչել շրջապատող աշխարհը: Բնությանն առաջնություն վերապահելը «կարող էր ծագել միայն վերածնության դարում իբրև հետևանք այն նոր ոգու և ազատախոհության, որ առաջ էր եկել կյանքի մեջ» և սկսում էր գերիշխել «պարզությունն ու բնական մտածողությունը»²: Ղևոնդյանց նահատակներին նվիրված շարականում Սարկավազը Հայոց եկեղեցուն կոչ է անում Հայրենի երկրում ժողովել և փրկել հայ ժողովրդի տարագիր զավակներին՝ արտահայտելով դարի պահանջն ու ակնկալիքները³: Սարկավազ վարդապետը, փաստորեն, սկզբնավորում է հայրենասիրական գաղափարախոսությունը հայ բնաստեղծության մեջ⁴: Նա պահանջում է նաև, որպեսզի ձեռք բերված գիտելիքների հավաստիությունը ստուգվի փորձով: Ղևոնդ Այիշանն իրավամբ նշում է, որ Հովհաննես Սարկավազը եղավ «նորոգող ուսմանց ... ինչ որ ԺԵ դարուն մեջ սկսան եվրոպացիք»⁵:

Հովհաննես Սարկավազը գրել է պատմական երկասիրություն, որից պատարիկներ են պահպանվել: Կիրակոս Գանձակեցու հավաստմամբ, սելջուկությունների պատմությունը «մինչև ցՄելիքշահ սուլթանն գրեալ էր գպատճառս

¹ Մ. Ա. Բ. և ղ. յ. ն. Երկեր, հ. Դ, Երևան, 1970, էջ 63:

² Նույն տեղում, էջ 82:

³ Տե՛ս նույն տեղում, էջ 71–72:

⁴ Այս մասին տե՛ս՝ Մ. Հ. ա. ր. ու լ. թ. յ. ու ն. յ. ա. ն. Մանուկ Արեղյան, կյանքն ու գործը, Երևան, 1970, էջ 354–355:

⁵ Ղ. Ա. լ. ի. շ. ա. ն. Սարկավազ Սոփեստու.– Յուշիկը հայրենեաց Հայոց, հ. 2, Վենետիկ, 1921, էջ 262–263:

տիրելոյն նոցա մեծիմաստ վարդապետին, որ Սարկավազն կոչէր...»⁶: Պատմագիրը նշում է, որ Հովհաննես Սարկավազը նույն գործում շարադրել է նաև Մելիքշահի հոր՝ «գարինախանսն Ալփասլանայ և գնորին հոր և հաւուց» պատմությունը⁷: Սամուել Անեցի ժամանակագիրը նշում է, որ ինքը տեսել է Սարկավազի շարադրած պատմական երկը, և որ վերջինս խոստացել է սելջուկների պատմությունը «դարձեալ գրել արուեստաբան և երկայն ճառիւք»⁸: «Ճառ» եզրույթն ունի նաև «պատմություն» իմաստը (նշյալ հատվածում այն ունի «պատմութեամբ» ընթերցվածը):

Հովհաննես Իմաստասերի պատմական երկից մեջբերումներ է արել նրան աշակերտած Սամուել Անեցին, որի վկայություններից երևում է, որ Սարկավազը նշված գործում գրել է նաև խաչակրաց արշավանքների մասին⁹: Կիրակոս Գանձակեցու վկայությամբ Սարկավազը շարադրել է նաև «Ճառս ներքողականս ի մեծագոր արքայն Հայոց Տրդատ, և ի սուրբ հայրապետն Ներսէս, և ի սքանչելին Սահակ և Մեսրոպ...»¹⁰:

Պահպանվել է Հովհաննես Սարկավազի «Ժամանակագրություն» գործը, որը, ըստ էության, պետք է դառնար նրա պատմական երկասիրության ժամանակագրական խարիսխը: Այդ գործը նրա «Պատճէն տոմարի» աշխատության մի մասն է, որով գիտնականը ջանացել է ժամանակագրական փաստերով հագեցնել նաև իր տոմարագիտական երկերը: Սարկավազն իր «Ժամանակագրությունը» հիմնականում քաղել է համաշխարհային պատմական ընթացքի քրիստոնեական ըմբռնման սկզբնավորողներից մեկի՝ Եվսեբիոս Կեսարացու (264–340) «Եկեղեցական պատմություն» երկասիրությունից և փորձել է յուրովի իմաստավորել պատմական անցյալը: Սարկավազի կարծիքով մարդն ի գորու չէ որոշել տիեզերքի արարչության ժամանակը: «Ոչ է մեզ գիտել զժամս և զժամանակս, զոր Հայր եղ յիրում իշխանութեան», – գրում է նա, նաև հավելելով, որ մարդը կարող է սոսկ իմանալ, թե Ադամը երբ է արտաքսվել դրախտից, բայց տիեզերքի սկզբնավորման ժամանակը գիտե միայն այն արարողը¹¹: Իր մեկ այլ աշխատության մեջ Սարկավազը կարծում է, որ երկրագունդն ստեղծվել է բնական ճանապարհով՝ իր հիմքում ունենալով «արփին», «անբավ նյութը»¹²:

«Ժամանակագրության» մեջ, հենվելով սուրբգրային տեղեկությունների վրա, Սարկավազը փորձել է որոշել դարակազմիկ իրադարձությունների ի մասնավորի տիեզերաժողովների և Հայոց մեծ թվականի միջև ընկած տարիների ընթացքում տեղի ունեցածը: Իբրև պատմաբան եղելություններ, համառոտակի հիշում է նաև Հայաստանում քրիստոնեության սկզբնավորող Թադեոս

⁶ Կ ի ռ ա կ ո ս Գ ա ն ձ ա կ ե ց ի. Պատմութիւն Հայոց, աշխ. Կ. Մելիք-Օհանջանյանի, Երևան, 1961, էջ 84:

⁷ Նույն տեղում:

⁸ Սամուելի քահանայի Անեցույ Հաւարմունք ի գրոց պատմագրաց, Վաղարշապատ, 1893, էջ 119:

⁹ Տե՛ս նույն տեղում, էջ 120:

¹⁰ Կ ի ռ ա կ ո ս Գ ա ն ձ ա կ ե ց ի. Պատմութիւն Հայոց, էջ 113:

¹¹ Տե՛ս Անանուն ժամանակագրություն (XIII դ.) – Մանր ժամանակագրություններ XIII–XVIII դդ., հ. I, կազմեց Վ. Հակոբյան, Երևան, 1951, էջ 22–23:

¹² Տ ե ս Կ. Մ ի ռ ու մ յ ա ն. Հովհաննես Սարկավազի աշխարհայացքը, Երևան, 1984, էջ 63:

առաքյալի, Գրիգոր Լուսավորչի և նրա հետևորդների, Բյուզանդիայի կայսրերի, արաբական արշավանքների և այլ իրողությունների մասին¹³:

Սարկավագի կարծիքով պատմությունը ծավալվում է ոչ միայն ժամանակի, այլև տարածության մեջ: Իր «Հակաբանություն հնագիտական» գործում նա կարծում է, որ առանց պատմական եղելությունների տեղն ու ժամանակը որոշելու, հնարավոր չէ ապացուցել դրանց հավաստի լինելը և բացահայտել իրադարձությունների բուն էությունը: «Թէպէտ, – գրում է հեղինակը, – և դիտարկություններն իրին առաջիկայի բազում անգամ ի մակագրութենէ բանին դիրաժանօթապէս կարէ որ ի միտ առնուլ համառօտագոյն, սակայն առանց գժամանակն գիտելոյ և գտեղին, ոչ պահի օրէն հաւաստութեանն յեղանակին և պատճառին հանդերձ դիւօքն առաջի կացելոյ»¹⁴:

Հովհաննէս Սարկավագի ապրած ժամանակաշրջանում պատմության նպատակը միտում էր ապագային՝ երկնային կյանքին, և ներկան իմաստ էր ստանում ու արդարացվում սուկ դրան արժանանալու դիտանկյունից: Բայց Սարկավագն առաջ է անցնում իր դարից, գրելով՝ «Ի ներկայէ երկին... ոչ միայն անցեալն, այլև ապառնին»¹⁵: Նաև շեշտում է, որ՝ «տեսանել ի օրինակաւս իմանալք և քննելք զառաջիկայն՝ որ լինելոց է»¹⁶: Այդպիսով, նա նախապատվություն է տալիս երկրային կյանքին, մարդկային գործունին, այն համարելով պատմական ընթացքի առաջնորդ ուժը: Իր «Լուծմունք Եօթնից գրոցն Փիլոնի իմաստասիրի Եբրայեցոյ» մեկնողական երկում Սարկավագը մերժում է ճակատագրապաշտությունը, աստղագուշակությունը, քանզի դրանք թույլ չեն տալիս գիտականորեն վերլուծել պատմական երևույթները: Նա ծառանում է «ընդդէմ այնոցիկ, որ զամենայն ինչ ի ճակատագրէ ասէն. մի թէ նոքա որ ի ... պատահմանէ մեռանին, ի ճակատագրէ լինի»¹⁷: Ըստ այդմ, հայ ժողովրդին բաժին ընկած արհավիրքները ոչ թէ ճակատագրի քմահաճ խաղերի հետևանք են, այլ տեղի են ունենում պատմական պայմանների թելադրանքով: Հետևաբար, ժողովուրդն է իր քաղաքական ճակատագրի տերն ու տնօրինողը և ի գործու է ներգործել նրա վրա, վերջ տալ նրա դաժան խաղերին: Այդպիսով, Սարկավագը կամենում է հարազատ ժողովրդին հուսապնդել դիմակայելու թշնամիներին, ապավինել սեփական ուժերին՝ թէ ներքին և թէ արտաքին խնդիրները լուծելիս: Նա հույս է ականկալում, որ այդ կերպ հայերը կարող են պահպանել իրենց քաղաքական և հոգևոր անկախությունը: Միաժամանակ տուրք տալով իր դարաշրջանի մտահայեցությանը, նա երկրային խնդիրների լուծումը տեղափոխում է երկինք՝ ապավինում Աստծուն¹⁸, իհարկե, բացառելով ճակատագրի միջամտությունը մարդկանց անձնական և հասարակական կյանքում:

¹³ Տե՛ս Անանուն ժամանակագրություն (XIII դ.), էջ 22–24:

¹⁴ Ա. Աբրահամյան. Հովհաննէս Բնաստասերի մատենագրությունը (այսուհետև՝ Մատենագրություն), Երևան, 1956, էջ 146:

¹⁵ Նույն տեղում, էջ 247:

¹⁶ Մաշտոցի անվան Մատենադարան (այսուհետև՝ ՄՄ), ձեռ. 2595, թ. 242բ:

¹⁷ Նույն տեղում, թ. 253բ:

¹⁸ Ուշագրավ փաստ է, անշուշտ, էրբ Սարկավագը միայն Քրիստոսին է համարում «զվիրաց մերոց ջնջից. և զցաւոց մերոց բժիշկ» (տե՛ս Մատենագրություն, էջ 326):

Որպես իր դարի հարագատ զավակ, Հովհաննես Սարկավազը պատմական իրողությունների պատճառները տեսնում է մարդկանց գործած մեղսավոր արարքների մեջ՝ կամենալով այդ կերպ ուղղել, ճիշտ ճանապարհի վրա դնել նրանց: Արարիչը, գրում է նա, «տեսեալ յանդարձութեան զագգս մարդկան և չշահեալ ինչ յերկայնամտութենէն, ի տանջանս հարուածոց մեզ ներգործէ, որպէս զի և զայլս ի վերայ [երկրի] ի պատուհասս»¹⁹:

Խորատես գիտնականը, անշուշտ, կարողանում էր ճիշտ մտահայելով կողմնորոշվել ո՛չ միայն անցյալի, այլև իր ժամանակի կացության ելնէջներում: Նա քաջ գիտակցում էր, որ պետականության պահպանման շնորհիվ է հնարավոր ապահովել Հայաստանի բնականոն գոյատևումն ու զարգացումը և նրան զերծ պահել թշնամիների ասպատակումներից, կոտորածներից:

Սարկավազն այն համոզմանն էր, որ չպետք է երկիրն «առանց վերակացուի թողել. և ոչ զօրք առանց զօրավարի. և քաղաք առանց դատաւորի»: Նրա կարծիքով պետականությունը մարմնավորող թագավորի, իշխանների անձերն անձեռնմխելի են: Եվ եթե որևէ մեկը հանդգնի սպանել նրանց, այնժամ «ոչ միայն զսպանօղն այլ և զագգն ջնջել ջանան որ այլքն երկնչին»²⁰: Նա ամենողորմ Աստծուց խնդրում է ոչնչացնել Հայաստանի դեմ որոգայթներ նյութողներին, որպեսզի «դարձեալ փառաւորեսցի ժողովուրդ քո բարեստեմիկ և սիրեցեալ... հալածե ա զերկաքանչիւրոցն յանդգնութեամբ վերայ մեր յարձակմունս»²¹: Գիտնականը, անշուշտ, նկատի ունի սելջուկ – թյուրքերին, որոնց մասին, ինչպես նշվեց, նա հեղինակել է պատմական երկ: Գուցե 1090 թ. Անիից Բարսեղ կաթողիկոսի գլխավորությամբ սելջուկների սուլթան Մելիքշահի մոտ մեկնած պատվիրակության կազմում ընդգրկված է եղել նաև Հովհաննես Սարկավազը²², որպես սելջուկ-թյուրքերի պատմության քաջագիտակ վարդապետ:

Պատմական և բնական երևույթների մեկնաբանման ընթացքում ճշմարտության հանգելու համար, Սարկավազը մեծ նշանակություն է տալիս դրանց պատճառների բացահայտմանը: Նա այն համոզմանն է, որ աշխարհում բոլոր երևույթներն ունեն իրենց պատճառները: Իր «Յաղագս յարակայի, վերադրաց եւ րոպէից» աշխատության մեջ նա գրում է, որ «կարծեալք և առանց պատճառի գիտության ո՛չ ասի և ո՛չ մակացութիւն՝ գիտութեան»²³: Ըստ այդմ, առանց պատճառները բացահայտելու, գիտությունը չի կարող իր բարձրության վրա լինել և որևէ բան ապացուցել: Նրա կարծիքով իսկական ճշմարտությանը կարելի է հասնել միայն գիտության՝ («ըստ արուեստի և մակացութեան») շնորհիվ՝ հեռու մնալով կեղծիքից, հետևելով «բազմուսումնութեան և զջան հանձարագիտութեան»: Ընդամին, դատապարտում է փառատենչ նպատակներով գիտունի կերպարանքով պճնվողներին: «Որպէս տեսանեմք,– գրում է գիտնակա-

¹⁹ Նույն տեղում, էջ 304:

²⁰ ՄՄ, ձեռ. 2595, թ. 248ա:

²¹ Աղօթամատոյց Յովհաննու Սարկավազայ վարդապետի.– Սովիերք հայկականք, հ. ԺԷ, Վեներիկ, 1854, էջ 33–34:

²² Կ. Մ ա թ և ո ս յ ա ն. Հովհաննես Սարկավազի պատմական թղթերն ըստ Մամվել Անեցու.– Հայոց պատմության հարցեր, 6, Երևան, 2005, էջ 128:

²³ Մատենագրություն, էջ 256:

նր,– ձևանալ զբազումս առ ախտի փառամոլութեան զգիտնոց կերպարանս ունել...»²⁴: Իմաստասերը նաև նշում է, որ «ամենայն բազում ուսումնասիրութիւն, նուազ և անարգ է առանց երկիւղին և սիրոյ Աստուծոյ», և որ «սովորութիւն է եկեղեցեաց Աստուծոյ զճշմարտութեանն վարել զհետ, և նոյն խնդրել և ընդ նոյն ընթանալ շաւիղ»²⁵: Ուրեմն, Հայոց եկեղեցին ընթանալով Աստուծու սահմանած ծիրով, պահանջում է գնալ նույն շավիղով:

Մարկավագը բոլոր գանձերից առավել է համարում հոգու տքնությամբ մտավոր գանձեր կուտակելը: «Լաւ է,– գրում է նա,– զվաճառն զայն բազմախոնջ և աշխատեցուցիչ մտաց և մարմնոյ գտնել, քան զբովանդակ գանձս ոսկւոյ և արծաթոյ»²⁶: Քրիստոնէությունը միջնադարում բարոյապէս կատարյալ էր համարում երկրային բարիքներից, գանձից, հարստությունից, իբրև բոլոր չարիքների աղբյուրից հրաժարվողներին: Ե դարի ականավոր աստվածաբան Ավգուստինոսը (354–430 թթ.) իր երկերում պաշտպանելով ստրկությունը, մասնավոր սեփականությունը՝ որպէս աստվածային կամքի արտահայտություն, միաժամանակ նյութականը, շահստացությունը համարում է մեղքի մարմնացում, շեշտելով. «Մենք հարուստներ ենք համարում առաքինի, արդարակորով մարդկանց, որոնց համար փողը նշանակություն չունի... իսկ աղքատներ ենք համարում ժլատ մարդկանց, որոնք միշտ տենչում են հարստություն ձեռք բերել»²⁷: Ինչպէս տեսնում ենք, Ավգուստինոսի և Մարկավագի մտքերն այստեղ համահունչ են:

Հովհաննէս Մարկավագն օրինաչափ է համարում հասարակության դասային բաժանումը, գրելով. «Թէպէտ բանականութեամբն մի ասէն իշխանն և ռամիկն, դատաւորն և քաղաքացին, սակայն գործով որոշեալ են ի միմեանց. և թէ ոք հաւասարէ զսոսայ և ընդ միմեանս զուգէ, մոլորի ի ճշմարիտ կարգէն»²⁸: Նկատենք նաև, որ առաջնությունը վերապահում է հոգևոր դասին: «Մեկնութիւն տումարիս Հայկազնեայ» աշխատության մեջ Մարկավագն այն միտքն է հայտնում, որ «աստեղք նաւորդաց առաջնորդէն և քահանայք՝ երկրի», բայց միաժամանակ չի վարանում նշել, որ նրանք «առաջնորդք էթէ մառախլադատ կենցաղավարին՝ քողասուզել կամելով զանարժան լուսոյ զգործս իւրեանց, զայթակղութիւն երկրի ոչ սակաւ լինի...»²⁹:

Հովհաննէս Մարկավագը կողմնակից է պատմական ստույգ ժամանակագրության՝ իբրև ճշմարտությունը վեր հանելու հուսալի միջոցի: Նրա գիտական ավյունը վառ դրսևորվեց նաև այդ բնագավառում: Մարկավագի կատարած տոմարական բարեփոխությունները հիմք ծառայեցին նրա կողմից ստեղծված ժամանակագրական համակարգի համար: Նա կազմեց անշարժ («Մարկավագադիր») տոմար՝ հաշվի առավ այն հանգամանքը, որ նախորդ մատենագիրներն

²⁴ Նույն տեղում:

²⁵ Նույն տեղում, էջ 250:

²⁶ Նույն տեղում, էջ 251:

²⁷ Творения Блаженного Августина, епископа Иппонийского. Киев, 1880, с. 356.

²⁸ ՄՄ, ձեռ. 2595, թ. 261բ:

²⁹ Մատենագրություն, էջ 232:

իրենց երկասիրություններում առաջնորդվել էին Հայոց մեծ թվականով: Ընդ որում, Ս. Գրքի ժամանակագրությունը նշելիս ևս նրանք առաջնորդվել են այդ թվականով: Սարկավագը թեև կիրառում է ժամանակագրական տարբեր (չորս) համակարգեր, բայց առաջնություն է տալիս Եվսեբիոս Կեսարացու «Յոթանասնից» կոչված ժամանակագրությանը և Հայոց մեծ թվականին³⁰, որի սկզբնավորումից հետո նա բացառիկ դեպքերում է օգտվում մյուս թվականներից: Բայց քանի որ Հայոց մեծ թվականը շարժական էր, և տարին միշտ ունենում էր 365 օր՝ առանց նահանջ տարվա, ուստի 1085 թ. օգոստոսի 11-ին նա կարգավորում է 532-ամյա զատկացանկի 2-րդ շրջապտույտի տոմարական իրողությունները՝ ստեղծելով իր անշարժ տոմարի նախագիծը: Այդ նոր («Սարկավագադիր») թվականով որպես տարեգրության, նա ընդունեց մինչ այդ կիրառվող հայոց եկեղեցական տարվա սկիզբը՝ հունվարի 6-ը³¹: Անշարժ տոմարի ներմուծմամբ հնարավոր դարձավ որոշել պատմական իրադարձությունների ստույգ ժամանակը (հաշվելով հայկական ամիս-ամսաթվերով) և լիովին անկախ լինել հունա-հռոմեական, եբրայական և օտարամույժ ուրիշ համակարգերից³²:

Պատմական ստուգության նախանձախնդիր գիտնականը մերժում, խոցելի է համարում առասպելական պատմությունները: «Վասն Կիլիկյացոյց երկրին զինչ որ ասեն սուտ է»³³, – գրում է Սարկավագն իր «Լուծմունք եօթնից գրոցն Փիլոնի» գործում: Իսկ «Հակարանութին հնագիտական» աշխատության մեջ խոստանում է դատափետել «զառասպելական կարծիս՝ զճշմարտութին յանդիման ի գրոց կացուցանելով, և զժամանակին հեռավորութին ի ներքոյ դրոշմելով՝ ... զխորհուրդս բազմաց ի հաւաստոյն ուսմանէ կացուցուք»³⁴:

Հովհաննես Սարկավագի պատմահայեցողությունը սերտորեն առնչվում է նաև նրա դավանական դիրքորոշման հետ: Իր երկերում նա հանդես է գալիս որպես հայ դավանության, Հայոց եկեղեցու հետևողական պաշտպան և ջատագով: Խորահմուտ գիտնականի բեղուն գրչի տակ բյուրեղացած է Հայոց հավատքի և ինքնության սևեռուն գաղափարը: Սարկավագի համար հայոց դավանանքը ոչ միայն ազգային ինքնորոշման գորավոր կոմպան էր, այլև քրիստոնեության արմատ-ակունքներին հավատարիմ մնալու օրինակ: Գաղափարական այդպիսի մղումներով նա դատապարտում է քրիստոնեության հիմքերը խարխլողներ Մարկիոնին (Բ դար), Ապոդինարին (Դ դար), Թեոդորոս Մոպսուեստացուն (Դ-Ե դարեր), վերջինիս աշակերտ Նեստորին (Ե դար): Սարկավագը նաև քննադատում է քաղկեդոնյան երկաբնակությունը՝ որպես քրիստոնեական աշխարհում պառակտում սերմանող հոսանք³⁵: Ի հեճուկս նեստորականների և նրանց զորացնող քաղկեդոնականության, նա Քրիստոսի մարդկային ու

³⁰ Տե՛ս Անանուն ժամանակագրություն (XIII դ.), էջ 22–24:

³¹ Տե՛ս Ռ. Վա ր դ ա ն յ ա ն. Հայոց տոնացույցը (4–18-րդ դարեր), Երևան, 1999, էջ 258–263:

³² Տե՛ս Գ. ր. Բ ր ու տ յ ա ն. Յովհաննես Սարկավագի ժամանակագրական համակարգը, Երևան, 1999, էջ 92, 102:

³³ ՄՄ, ձեռ. 2595, թ. 248բ:

³⁴ Մատենագրություն, էջ 140:

³⁵ Տե՛ս ՄՄ, ձեռ. 6453, թ. 142բ–143բ:

աստվածային բնությունները դիտում է «անճառ միավորության» մեջ՝ ի մտի առնելով «Մի բնութիւն Բանին Աստուծոյ մարմնացելոյ ըստ ճշմարտութեան» դավանական բանաձևը³⁶:

Հայ առաքելական եկեղեցու դավանաբանությունը ավարտուն տեսքի բերած Հովհան Օձնեցի կաթողիկոսի (717–728) հետևողությամբ Սարկավագը գտնում է, որ Հայոց եկեղեցին պատվում, մեծարում է խաչը, մինչդեռ նրանք, ովքեր հետևում են «կորստական աղանդոյն Նեստորի... և ժողովոյն Քաղկեդոնի, գնոյն ինքն զխաչեալն ուրանան Աստուած գոլ և զխաչն պատուել կեղծաւորին»³⁷:

Խաչի պաշտամունքը խորհրդանշում էր հայոց դավանական անկախությունը՝ մերժելով քաղկեդոնական եկեղեցու սրբազնագործած պատկերապատկությունը, որը ծագել էր Բյուզանդիայի կայսերականացված եկեղեցու ազդեցության ոլորտներում: Սարկավագը կտրուկ դեմ է արտահայտվում պատկերապատկությանը³⁸:

Հայոց դավանական ինքնորոշման նախանձախնդիր գիտնականն իր «Հակաբանութիւն հնագիտական» և «Մեկնութիւն տումարիս Հայկազնեայ» արժեքավոր գործերում գրում է. «Քակտեալ կործանեցուք զօրութեամբ Աստուծոյ ի հարցն բանից և աւանդութեանց» ու Նեստորի և Լևոն պապի «զանօրէն իմացմունս» իբրև «չարագործ հավատի» սկզբնավորողների³⁹: «Ժողով ամպարշտացն, որ ի Քաղկեդովնի Բիւթանացոց,– նշում է Սարկավագը,– քարոզեցին զանօրէնութեանն և անաստուածութեանն հաւատոյ արձանն»: Լևոն պապը իր գաղափարները ստանալով Թեոդորոս Մոպսուեստացուց՝ «զմիաւորութիւնն և քակտել նկրտի»⁴⁰:

Հովհաննէս Սարկավագը հորդորում է չհարել քաղկեդոնական դավանությանը: Նա անգամ այն դիտում է իբրև հերձված, որը խարխլում է Հայոց եկեղեցու հիմքերը: Իր «Յաղագս քաղկեդոնականացն» գրվածքում նաև դատապարտում է հերձվածողներին, գրելով. «Որչափ հնար է հեռանալ պարտ է ի հերձուածողացն աղօթակցութենէ, քանզի արտաքսեալք են յեկեղեցոյ և դատապարտեալք ի հարցն. և չէ ումեք իշխանութիւն յուղղափառաց և ի տան անգամ լինիլ նոցա կցորդ աղօթից»⁴¹: Սարկավագը հերձված է համարում նաև նեստորականությունը, այն դիտելով քաղկեդոնականությանը գաղափարամերձ հոսանք: Նրա «Եկեղեցական պատմություն» երկից պահպանված հատվածում⁴² և այլ գործերում սուր քննադատության է ենթարկվում նաև Գ դարում ի հայտ եկած Պողոս Սամոսատցու աղանդը: Վերջինս, գրում է Սարկավագը, «արտաքոյ եկեղեցոյ խորհեցաւ ի վերայ Քրիստոսի դուզնաքեայ մարդ ասելով»⁴³: Նկա-

³⁶ Նույն տեղում, թ. 188ա:

³⁷ ՄՄ, ձեռ. 6453, թ. 145ա:

³⁸ Նույն տեղում, թ. 147բ–149բ:

³⁹ Մատենագրություն, էջ 140, 234:

⁴⁰ Նույն տեղում, էջ 146–147:

⁴¹ ՄՄ, ձեռ. 6453, թ. 143բ:

⁴² Մատենագրություն, էջ 137, նաև՝ էջ 141:

⁴³ Նույն տեղում, էջ 137:

տենք, որ Հովհաննես Սարկավազի կրտսեր ժամանակակից Ներսես Շնորհալին իր թղթերից մեկում Պողոս Սամոսատցուն դասում է քրիստոնեական եկեղեցու երդվյալ հակառակորդների շարքը⁴⁴: Սարկավազը «Հակաբանություն հնագիտական» աշխատության մեջ գրում է, որ Պողոս Սամոսատցին դառնալով Անտիոքի եպիսկոպոս, սահմանեց կանոններ և «արտաքոյ եկեղեցոյ Աստուծոյ խորհեցաւ ի վերայ Քրիստոսի», որին «ոչ կամի խոստովանել որդի Աստուծոյ և իջեալ յերկնից»⁴⁵:

Պողոս Սամոսատցու ադանդի հերքումը Սարկավազի ապրած դարաշրջանում ուներ սուր հնչեղություն, քանի որ առնչվում էր Հայոց եկեղեցու հիմքերը խարխիլող թոնդրակյան ադանդի հետ: Թոնդրակյաններն իրենց համարում էին Պողոս Սամոսատցու հետևորդներ⁴⁶:

Հայոց եկեղեցու և նրա դավանության պաշտպանությանն է միտված նաև Հովհաննես Սարկավազի «Հարցումն առ Սարկաւազ վարդապետն» գրվածքը, որտեղ իմաստասեր-գիտնականը առաջնություն է վերապահում եզակի իրերին, իբրև իրական հատկություններով օժտվածների: Նա գտնում է, որ ընդհանուրը ճանաչելու համար ամենից առաջ անհրաժեշտ է ճանաչել եզակին և այդ հիման վրա գաղափար կազմել ընդհանուրի մասին⁴⁷: Եզակիի տակ Սարկավազը նկատի ունի ինքնություն եկեղեցիներին՝ առաջին հերթին, իհարկե, Հայոց եկեղեցուն: Եզակիին առաջնություն վերապահելն ուղղված էր Բյուզանդական եկեղեցու դեմ՝ նպատակ ունենալով մերժել նրա դավանական գաղափարաբանությունը և Հայոց եկեղեցու նկատմամբ գերակայություն ունենալու նկրտումները: Դրանով իսկ նա հաստատում է Հայ եկեղեցու նախնական լինելը, դավանական ինքնագո հիմքերն ու հարատևման և ինքնություն գոյության իրավունքը:

Եզակիին առաջնություն տալը նպատակաուղղված էր նաև անձի անհատականության և ազատության իրավունքի ճանաչմանն ու արժևորմանը, որը Վերածնության դարաշրջանի հատկանիշն էր: «Միթե չսխալէ, – գրում է Սարկավազը, – որ զանձն իշխանութիւն ի բաց բառնայ»⁴⁸: Չէ՞ որ մարդն իր բնությամբ «ինքնիշխան է, և չարգել ոք զնա ի կամաց»⁴⁹: Նա դատապարտում է անձնիշխանությունն ուրացողին, նմանեցնելով նրան սանձակոտոր ձիու⁵⁰: Ուշագրավ է, որ, դիմելով Քրիստոսին, Հովհաննես Սարկավազը խնդրում է մարդկանց շնորհել «աստուածային բարեփառութիւն», «աստուածութիւն», «ազատութիւն»⁵¹:

Հայրենասեր և լուսամիտ գիտնականի մտքերը խորը հետք են թողել հայ մտաշխարհում: Դրանք գաղափարապես զինելով Հայոց առաքելական

⁴⁴ Տե՛ս Ընդհանրական թուղթը սրբոյն Ներսէսի Շնորհալոյ, Երուսաղեմ, 1871, էջ 240 և հտ.:

⁴⁵ Մատենագրություն, էջ 145:

⁴⁶ V. N e r s e s s i a n. The Tondrakian Movement. Pensilvania, 1988, p. 63.

⁴⁷ ՄՄ, ձեռ. 5259, թ. 164:

⁴⁸ ՄՄ, ձեռ. 2595, թ. 243բ–244ա:

⁴⁹ Նույն տեղում:

⁵⁰ Նույն տեղում, թ. 243բ:

⁵¹ Տե՛ս Աղօթամատոյց Յովհաննու Սարկաւազայ վարդապետի, էջ 28–29:

եկեղեցուն՝ ամրադրել էն նրա հինավուրց հիմքերը: Հովհաննես Սարկավագի թողած գիտական ժառանգության մեջ, անշուշտ, կարևոր նշանակություն ունեն պատմական և դավանաբանական խնդիրներ շոշափող գործերը:

ОВАННЕС САРКАВАГ – ИСТОРИОГРАФ И БОГОСЛОВ

ВРЕЖ ВАРДАНЯН

Резюме

Мирозозерцание и элементы историописания Ованнеса Саркавага – крупного армянского ученого первой половины XII в., формировались в условиях социально-культурного развития армянского общества той эпохи, при наличии высокой городской цивилизации. До нас дошла его Хронология, где зафиксированы некоторые события истории Византийской империи, Арабского халифата и Армении. В основе этого труда лежат его календарные нововведения. Автор задался целью воссоздать точную картину исторических эпох и причинно-следственной связи событий. По мнению Ованнеса Саркавага – функция истории заключается в фиксировании истины реальных фактов. Он предоставляет человеку важную роль в историческом процессе, отклоняет фатализм и астрологию. По его мнению, в жизни народа важнейшую роль играют реальные исторические условия. В Хронологии Саркавага история развертывается во времени и пространстве. Не сохранилось его историческое сочинение о сельджуках и крестовых походах. Фрагменты этого труда фигурируют в труде армянского хрониста XII в. Самуэла Анеци. Ованнес Саркаваг проявляет непримиримость в отношении еретиков, несторианства, а также халкидонитского вероисповедания.